



Na osnovu člana 9. Zakona o kantonalnim ministarstvima i drugim tijelima kantonalne uprave Srednjobosanskog kantona („Službene novine Srednjobosanskog kantona“, broj: 8/03 i 14/03) i Odluke Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj:01-11.7-1269/2023 od 23.02.2023.godine, Ministarstvo privrede raspisuje

JAVNI POZIV

ZA ODABIR KORISNIKA SREDSTAVA SA POZICIJE “SUBVENCIJE PRIVATNIM PREDUZEĆIMA I PODUZETNICIMA - PODRŠKA RAZVOJU PODUZETNIŠTVA I POKRETANJU NOVIH START - UP KOMPANIJA“ ZA 2023. GODINU

I PREDMET JAVNOG POZIVA

Sufinansiranje i podrška privrednim društvima i obrtnicima koji nisu stariji više od 3 (tri) godine od dana objave ovog Javnog poziva za subvencioniranje troškova nastalih u fazi pokretanja privredne aktivnosti, troškova za nabavku mašina, opreme, alata, uređenja poslovnog prostora (građevinski, instalacijski i radovi unutrašnjeg uređenja) i zakup poslovnog prostora s ciljem osamostaljivanja na tržištu i unapređenja rada i razvoja poslovnih subjekata.

II PRAVO UČEŠĆA

(1) Pravo na podnošenje projekata na javni poziv imaju privredna društva i obrtnici

- a) Koji nisu stariji više od 3 (tri) godine od dana objave ovog Javnog poziva.
- b) Koji su sa područja Srednjobosanskog kantona;
- c) Koji će projekat realizovati na području Srednjobosanskog kantona;

(2) Privredna društva i obrtnici koje podnose prijave za više projekata dužni su dostaviti prijavu za svaki projekat posebno, a Ministarstvo privrede sufinansirat će im samo jedan od projekata iz ovog Programa.

(3) Nemaju pravo na podnošenje projekta:

- a) javna preduzeća, banke i druge finansijske organizacije, osiguravajuća društva, sportske kladionice, apoteke, privredna društva i obrtnici čija djelatnost obuhvata igre na sreću, javne institucije, javne ustanove, organi uprave, organi i jedinice lokalne samouprave, privredna društva čiji su žiro računi blokirani, privredna društva, obrtnici i svi drugi subjekti čija šifra osnovne djelatnosti obuhvata poljoprivredne djelatnosti, kafiće, restorane i druge ugostiteljske objekte šifri osnovne djelatnosti 56.10 i 56.30, hoteli, moteli i slični smještaji šifre osnovne djelatnosti 55.10, svi poslovni subjekti čija šifra osnovne djelatnosti obuhvata trgovinu.
- b) privredna društva koja su pod stečajem ili likvidacijom;
- c) privredna društva i obrtnici koji nisu dostavili izvještaj o implementaciji programa i rezultatima ostvarivanja programa po ranije dobivenim poticajnim sredstvima, i kojima od strane Ministarstva privrede nije prihvaćen izvještaj.
- d) privredna društva i obrtnici koji imaju dospjelih a neizmirenih obaveza prema Srednjobosanskom kantonu.
- e) privredna društva i obrtnici koji nisu izmirili obaveze po osnovu javnih prihoda ili nemaju potpisan sporazum o odgodi plaćanja zaključno sa 31.12.2022.godine.

- f) privredna društva i obrtnici koji ne plaćaju porezne obaveze ili nemaju potpisan sporazum o odgodi plaćanja zaključno sa 31.12.2022. godine
- g) Privredna društva i obrtnici čija je šifra osnovne djelatnosti u oblasti: trgovine na veliko i malo, poljoprivrede, namjenske industrije, proizvodnje i prerade duhana, proizvodnje i prerade alkohola i igara na sreću.

III KRITERIJI

Pri razmatranju podnesenih projekata iz člana 2. ove odluke vrednovat će se slijedeći kriteriji u rasponu od 0 - 50 bodova:

- a) Stepem vlastitog finansijskog učešća: 50
- b) Planirano zapošljavanje novih radnika: 30
- c) Kvalitet projekta: 20

IV DOKUMENTACIJA

Privredna društva i obrtnici u prijavi na Javni poziv obavezni su dostaviti:

1. Obrazac Zahtjeva za uključivanje u program Subvencije privatnim preduzećima i poduzetnicima - podrška razvoju poduzetništva i pokretanju novih start-up kompanija br. 5/23.
 2. Prijedlog projekta koji treba da sadrži (naziv projektnog prijedloga, svrhu i cilj, očekivane rezultate, izvore finansiranja, vrijeme i mjesto implementacije, broj trenutno zaposlenih radnika, broj radnika koji će se zaposliti).
 3. Rješenje iz sudskog registra sa svim pojedinačnim priložima, a za obrtnike Rješenje o registraciji obrta.
 4. Uvjerenje o poreznoj registraciji (identifikacijski broj: ID broj).
 5. Obavjest o razvrstavanju subjekata prema djelatnosti Federalnog zavoda za statistiku.
 6. Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu).
 7. Uvjerenje nadležnih institucija o redovnom izmirenju obaveza po osnovu javnih prihoda ili potpisan sporazum o odgodi plaćanja s podacima o broju prijavljenih radnika-listom zaposlenih.
 8. Uvjerenje o izmirenim indirektnim porezima ili potpisan sporazum o odgodi plaćanja za obveznike poreza na dodanu vrijednost.
 9. Uvjerenje nadležnog suda da subjekt nije pod stečajem ili pred likvidacijom (samo za privredna društva).
 10. Potpisanu i ovjerenu izjavu o nakani namjenskog korištenja sredstava.
 11. Kopiju lične karte odgovorne osobe.
 12. Potvrdu banke o otvorenom transakcijskom računu.
- (2) Dokumentacija mora biti ovjerena od strane nadležnih organa;
- (3) Dokumentacija ne smije biti starija od 3 (slovima: tri) mjeseca računajući od dana objave ovog javnog poziva, osim dokumentacije iz tačke 3, 4, 5, 6 i 11 Javnog poziva.
- (4) Potrebna dokumentacija za učešće na javnom pozivu može se preuzeti elektronski na web stranici Vlade Srednjobosanskog kantona www.sbk-ksb.gov.ba

V KOMISIJA

- (1) Ministar Ministarstva privrede Srednjobosanskog kantona imenuje Komisiju koja razmatra i vrednuje prijave i sačinjava prijedlog Odluke o dodjeli sredstava.
- (2) Komisija podnosi izvještaj o radu Ministru Ministarstva privrede sa prijedlogom Odluke o dodjeli sredstava.
- (3) Prijedlog Odluke o dodjeli sredstava Ministar Ministarstva privrede Srednjobosanskog kantona upućuje Vladi Srednjobosanskog kantona koja donosi Odluku o dodjeli sredstava.

VI NAČIN PRIJAVE

Potrebna dokumentacija podnosi se na protokol Vlade Srednjobosanskog kantona ili preporučeno putem pošte na adresu: **Ministarstvo privrede Srednjobosanskog kantona, ul. Stanična 43, 72270 Travnik sa naznakom PRIJAVA NA JAVNI POZIV ZA ODABIR KORISNIKA SREDSTAVA SA POZICIJE SUBVENCIJE PRIVATNIM PREDUZEĆIMA I PODUZETNICIMA - PODRŠKA RAZVOJU PODUZETNIŠTVA I POKRETANJU NOVIH START - UP KOMPANIJA.**

VII OSTALE ODREDBE

- (1) Ministarstvo privrede Srednjobosanskog kantona potpisati će Ugovor o implementaciji odobrenih sredstava u kojem će biti preciziran način, dinamika i nadzor nad trošenjem istih.
- (2) Ministarstvo privrede Srednjobosanskog kantona ne snosi troškove učesnicima Javnog poziva i zadržava pravo da Zahtjev prihvati u cijelosti, djelimično ili ga u potpunosti odbije u bilo koje vrijeme prije zaključivanja ugovora. Prispjela dokumentacija neće se vraćati.
- (3) Rok za podnošenje prijava je 20 (slovima: dvadeset) dana od dana objavljivanja Javnog poziva u sredstvima javnog informisanja i web-stranici Vlade Srednjobosanskog kantona www.sbk-ksb.gov.ba.
- (4) Nepotpune, neblagovremene i neuredne prijave neće se uzeti u razmatranje.
- (5) Podnosioci prijava koji ne ispunjavaju uslove javnog poziva mogu uložiti Prigovor u roku od 5 (slovima: pet) dana od dana objave liste na web stranici Vlade Srednjobosanskog kantona.
- (6) Sve dodatne informacije mogu se dobiti svakim radnim danom putem telefona broj: 030/511-217 od 09,00 do 12,00 sati.

Broj: 05-14-2267/23
Travnik, 30.03. 2023 .godine

MINISTAR
Nisvet Hrnjić